



Broj: 0101-9155-6/20  
Sarajevo, 08.10.2020. godine

Na osnovu člana 68. stav (4) tačka (i), člana 69. stav (2) tačka (d), člana 70. stav (1) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 62. Statuta Univerziteta u Sarajevu, a na preporuku Komisije za provođenje postupka javne nabavke robe – oprema za pilot preradu voća putem konkurentskog zahtjeva, rektor Univerziteta u Sarajevu donosi:

### **ODLUKU**

#### **o poništenju postupka javne nabavke robe – oprema za pilot preradu voća**

##### **Član 1.**

Prihvata se preporuka Komisije za javnu nabavku broj: 0101-9155-5/20 od 02.10.2020. godine i poništava se postupak javne nabavke robe - **oprema za pilot preradu voća** iz razloga što ponuda jedinog ponuđača **INTERUGO d.o.o.** Partizanska 35, 79202 Kozarac, nije potpuna i ne ispunjava zahtjeve iz tenderske dokumentacije, a u skladu sa članom 68. stav (4) tačka (i) i članom 69. stav (2) tačka (d) Zakona o javnim nabavkama („Službeni glasnik BiH“ br. 39/14).

##### **Član 2.**

Ova Odluka će se objaviti na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

##### **Član 3.**

Ova odluka stupa na snagu danom donošenja.

### **O b r a z l o ž e n j e**

Na osnovu Odluke o pokretanju postupka javne nabavke broj: 0101-9155-1/20 od 24.09.2020. godine, Univerzitet u Sarajevu je pokrenuo postupak javne nabavke robe – **OPREMA ZA PILOT PRERADU VOĆA**.

Za provođenje postupka predmetne javne nabavke, Odlukom broj: 0101-9155-2/20 od 24.09.2020. godine, imenovana je Komisija za javnu nabavku u sastavu: Lejla Dizdarević, predsjedavajući, Asima Akagić, član, Ajla Čaušević, član, a za zamjenske članove su imenovani: Nermina Spaho, Adnan Kafedžić i Nejra Dervišević.

Obavještenje o nabavci broj: 999-7-1-99-3-91/20 objavljeno je na Portalu javnih nabavki dana 24. 09. 2020. godine.

Slijedeći ponuđači preuzeli su tendersku dokumentaciju sa ispravkom obavještenja: Istruments, Ekapija d.o.o., BBS EUROPE, Helia, Interugo d.o.o., ITC Zenica d.o.o., Steel d.o.o.

Dana 28.09.2020. godine Ugovorni organ je objavio Izmjenu tenderske dokumentacije broj: 0101-9155-3-1/20 od 28.09.2020. godine sa izmjenama u dijelu koje se odnosi na tačku 24. TD, preferencijalni tretman domaćeg, broj obavještenja o ispravci: 999-7-1-99-8-92/20.

Iz izvještaja o pitanjima i odgovorima kreiranog na Portalu JN dana 02.10.2020. godine u 10:11 sati, vidljivo je da u periodu koji je ostavljen za pitanja ponuđača **nije bilo postavljenih pitanja** u vezi pojašnjenja tenderske dokumentacije, od strane potencijalnih ponuđača. Na tendersku

dokumentaciju broj: 0101-9155-3/20 od 24.09.2020. godine nije bilo žalbi od strane potencijalnih ponuđača.

Komisija za javnu nabavku je dana 02.10.2020. godine u 10,15 sati izvršila javno otvaranje blagovremeno prispjelih ponuda ponuđača. Iz zapisnika o zaprimanju ponuda vidljivo je da je ponuđač INTERUGO d.o.o. Partizanska 35, 79202 Kozarac jedini ponuđač u postupku javne nabavke robe.

Iz Zapisnika o otvaranju ponuda vidljivo je da je dana 02.10.2020. godine u 10 i 15 sati Komisija izvršila javno otvaranje blagovremeno prispjele ponude ponuđača **INTERUGO d.o.o.** Partizanska 35, 79202 Kozarac.

Broj protokola	Naziv/ime ponuditelja (šifra)	Dan i sat primitka
0101-9570/20	Interugo d.o.o., 79202 Kozarac, Prijedor, Partizanska 35	01.10.2020 11 sati: 05 min

Na javnom otvaranju ponuda nije bilo prisutnih osoba ispred ponuđača, što je vidljivo iz Zapisnika o otvaranju ponuda. Od strane prisutnih nije bilo primjedbi na postupak otvaranja ponude i ostale saopštene informacije. Zapisnik sa otvaranja ponuda je isti dan prosljeđen putem e-maila i putem pošte ponuđaču INTERUGO d.o.o. Partizanska 35, 79202 Kozarac.

Komisija za javnu nabavku je u Zapisniku o otvaranju ponuda sačinila sažetak blagovremeno primljene ponude:

Broj protokola ugovornog tijela	Redni broj omotnice ponude	Naziv ponuđača	Omotnica sa ponudom ispravno zatvorena (zapečaćena ili potpisana da/ne)	Ukupna cijena ponude	Ponuđeni popust
0101-9570/20	1	Interugo d.o.o., 79202 Kozarac, Prijedor, Partizanska 35	Da	14.100,00 KM bez PDV-a 0% Popust PDV= 0,00 KM 14.100,00 sa PDV-om	Bez popusta

Iz Zapisnika o pregledu i ocjeni ponuda vidljivo je da je Komisija započela sa pregledom ponuda dana 02.10.2020. godine, radi ocjene ponude, odnosno da bi utvrdila da li je ponuđač ispunio uslove iz člana 45. do 49. Zakona o javnim nabavkama kao i da bi utvrdila da li je ponuđač dostavio tehnički zadovoljavajuću ponudu u skladu sa zahtjevima iz Tenderske dokumentacije, te da li su kvalifikovani za nabavku predmetne robe.

Nakon pregleda ponude Komisija je utvrdila da ponuđač INTERUGO d.o.o. Partizanska 35, 79202 Kozarac nije dostavio dokaz o ispunjavanju preferencijalnog tretmana domaćeg te se na njegovu ponudu ne primjenjuje preferencijalni tretman domaćeg.

Iz Zapisnika o pregledu i ocjeni ponuda vidljivo je da u ponudi ponuđača INTERUGO d.o.o. Partizanska 35, 79202 Kozarac nije bilo računskih greški.

Iz Zapisnika o pregledu i ocjeni ponuda vidljivo je da je Komisija konstatovala da se ponuđač Interugo d.o.o. Kozarac, Partizanska 35, 79202 Kozarac isključuje iz daljnijeg učešća u postupku javne nabavke iz razloga što ponuđač u svojoj ponudi nije dostavio „Potvrdu o uspješnoj realizaciji ugovora“, a koja je tražena tačkom 12.4.1.2. Tenderske dokumentacije. Ponuđač je dostavio ugovore sa sa prethodnim kupcima, a što nije traženo tenderskom dokumentacijom broj 0101-9155-3/20 od 24.09.2020. godine.

Pregledom ponude Komisija je utvrdila da ponuđač nije dostavio ponudu pripremljenu u skladu sa tačkom 13. Tenderske dokumentacije, odnosno, ponuda ponuđača nije bila uvezana jamstvenikom i na način kako je Ugovorni organ opisao u tenderskoj dokumentaciji. Ponuda ponuđača je uvezana spiralnim uvezom te nije osigarana niti na jedan način od vađenja listova i promjene sadržaja ponude.

Iz navedenih razloga Komisija je konstatovala da je ponuda ponuđača Interugo d.o.o., Partizanska 35, 79202 Kozarac neprihvatljiva.

Na osnovu utvrđenog činjeničnog stanja, te na osnovu odredbi člana 68. stav (4) tačka (i) i člana 69. stav (2) tačka (d) Zakona o javnim nabavkama ("Službeni glasnik BiH" br. 39/14), Komisija za provođenje postupka javne nabavke dala je preporuku rektoru Univerziteta u Sarajevu da u predmetnom postupku javne nabavke robe – OPREMA ZA PILOT PRERADU VOĆA, donese odluku o poništenju postupka nabavke.

Iz gore navedenih razloga, primjenom člana 68. stav (4) tačka (i), člana 69. stav (1) tačka (b), člana 69. stav (2) tačka (d) Zakona o javnim nabavkama ("Službeni glasnik BiH" br. 39/14) prihvaćena je preporuka Komisije za javnu nabavku i odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od pet (5) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

  
Prof. dr. Rifat Škrijelj



**Dostaviti:**

1. INTERUGO d.o.o. Partizanska 35, 79202 Kozarac
2. Služba za računovodstvo i finansije
3. u dosije javnih nabavki
- ④ web stranica unsa.ba
5. a/a